



UNIVERSITÄTS-
BIBLIOTHEK
PADERBORN

**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Caput XII. (a) Idem.

[urn:nbn:de:hbz:466:1-74526](https://nbn-resolving.org/urn:nbn:de:hbz:466:1-74526)

CAPUT XII.

(a) Idem.

AD audientiam nostram noveritis pervenisse, quod quidam vestrum dilectis filiis nostris fratribus (b) Cistr. Ordinis de laboribus, quos propriis manibus, aut sumptibus excolunt, decimas exigere, & extorquere conantur; illud privilegii capitulum Apostolicæ Sedis pravâ interpretatione, ac malitiosè pervertentes, quo eisdem Fratribus indulgetur, ne de laboribus, aut sumptibus, quos propriis manibus excolunt, aliquis ab eis decimas exigere audeat. Afferunt enim, quod pro laboribus novalia intelligi debent. Unde quoniam Fratres præscripti Ordinis benignitate Ecclesiasticâ fovere volumus, & ne ullus contra eos materiam habeat malignandi, vel ipsos contra justitiam molestandi, quemlibet attentius providere: vestra f. per A. f. præc. m. quat. à prædictis Fratribus de laboribus suis, quos propriis manibus, aut sumptibus excolunt, nullatenus decimas exigatis, nec à parochialibus vestris exigi permittat, vel quolibet modo extorqueti; nam si de novalibus tantum intelligeremus, ubi (c) ponimus, de laboribus; de novalibus poneremus, sicut in privilegiis aliorum quorundam ponimus.

NOTE.

1. (a) *Idem.*] Ita legitur in prima collectione, *sub hoc tit. cap. 3.* post Concilium autem Lateran. pag. 13. cap. 8. habetur, *Conventrensi Episcopo, & Officialibus ejus*; & rectè siquidem Conventrensis Ecclesia est in Anglia, ut refert Polydor. Vergil. lib. 1. *hystor. Anglia, in princip. cu-*

jus Præsuli, & ejus Vicariis, qui Officiales in eo Regno dicuntur, rescribit in præsentì Pontifex.

(b) *Cistr. Ordinis.*] Legendum est *Cisterciensis*, de quo præclaro Ordine nonnulla adduxi in *cap. cum ordinem 6. de rescript.*

(c) *Ponimus.*] Juxta adducta *suprà in cap. 4.* ubi commentarium hujus textus dedi.

CAPUT XIII.

Idem (a) *Brixienfi Episcopo.*

Quoniam à nobis tua sollicitudo requirit, quid de decimis novalium tuarum diocesis tibi sit statuendum: t. f. significatione præsentium respondemus, ut si terrarum illarum, quæ arabiles sunt, intra certam alicujus Ecclesiæ parochiam fuerint, decimas earum, tuâ parte (b) retentâ, eidem Ecclesiæ facias assignari. Alioquin ipsas alii (c) Ecclesiæ secundum discretionem à Deo tibi datam poteris deputare, vel ad opus tuum tenere: ita quidem, quod si quis in id contraire præsumperit, tu eum ecclesiasticâ centurâ usque ad dignam satisfactionem percellas; sententias verò super decimis à (d) Consulibus datas, præsertim eum Sanctorum Patrum institutionibus obviant, irritas esse decernas, & eas omni contr. & ap. postpositâ revoces. Quod si (e) laicus aliquis à Sacerdotibus, vel clericis decimas de laboribus suis in tua diocesi requi siverit, eum ab exactione hujusmodi prorsus cessare compellas, & laicos illos, qui à colonis tertiam, vel quartam partem laborum suorum ante solutionem decimarum recipiunt, decimam de (f) portione sua, secundum quod colonus de parte, quæ illum contingit, exsolvere consueverit, absque diminutione aliqua iis, quibus jure debentur, facias exhibere.

NOTE.

1. (a) *Brixienfi.*] Ita etiam legitur in prima collectione, *sub hoc tit. cap. 25.* & post Concilium Lateran. pag. 50. cap. 40. De Brixienfi diocesi jam egi in *cap. tua 5. de procuratoribus.*

2. (b) *Tuâ parte retentâ.*] Quarta videlicet, juxta textum in *cap. conquirente. de offic. Ordin. cap. de quarta. de præscript.* quam exigere possunt à parochiano, si decimæ jam sint solute; à parochianis, si adhuc eas non solverint. Martinus lib. 1.

resol. cap. 81. licet aliquando ratione propriæ parochiæ integras decimas Episcopus percipiat, *cap. 1. hoc tit. in 1. collect.* ubi noster Alexander Mediolan. Archiepiscopus ita scribit: *Querela venerabilis fratris nostri Vercellen. Episcopi ad nos transmissa pervenit, quod quidam clericus in ejus diocesi constituti decimas novalium, quæ ad jamdictum Episcopum pertinet, tenere pro sua voluntate præsumunt: laici verò parochiani ipsarum decimas quasdam non sine Creatoris offensâ percipiant, contendunt sibi decimas novalium vindicare.*